

"Қазақстан Республикасында минералдық-шикізат кешенін дамыту жөніндегі 2010 - 2014 жылдарға арналған бағдарламаны бекіту туралы" Қазақстан Республикасы Үкіметінің 2010 жылғы 31 желтоқсандағы № 1530 қаулысына өзгерістер мен толықтыру енгізу туралы

Қазақстан Республикасы Үкіметінің 2013 жылғы 31 желтоқсандағы № 1491 қаулысы
БАСПАСӨЗ РЕЛИЗИ

Қазақстан Республикасының Үкіметі **ҚАУЛЫ ЕТЕДІ:**

1. «Қазақстан Республикасында минералдық-шикізат кешенін дамыту жөніндегі 2010 – 2014 жылдарға арналған бағдарламаны бекіту туралы» Қазақстан Республикасы Үкіметінің 2010 жылғы 31 желтоқсандағы № 1530 қаулысына мынадай өзгерістер мен толықтыру енгізілсін:

көрсетілген қаулымен бекітілген Қазақстан Республикасында минералдық-шикізат кешенін дамыту жөніндегі 2010 – 2014 жылдарға арналған бағдарламада:

«1. Бағдарлама паспорты» деген бөлімде «Нысаналы индикаторлар» деген жол мынадай редакцияда жазылсын:

«

Н ы с а н а л ы
индикаторлар

1. 2014 жылы пайдалы қазбалардың негізгі түрлерінің қорын толтыру пайызы (өсу бойынша өндірілген қорлардың өтелген қорларға қатынасы) – 50 %.
2. 2015 жылға қарай ауылдарды жерасты суларының қорларымен қамтамасыз ету және ірі елді мекендер үшін кен орындарын қайта бағалау.
3. 2015 жылға қарай Геологиялық ақпарат дерекқорын 95 % дейін көлемде толықтыру.

»;

«3. Ағымдағы жағдайды талдау» деген бөлімде:

«3.4. Қазіргі нормативтік құқықтық базаның сипаттамасын қоса алғанда, саланы дамытуды мемлекеттік реттеудің қолданыстағы саясатын, қолданыстағы практиканы және саланы дамытуды қамтамасыз ету жөніндегі іс-шараларды іске асыру нәтижелерін талдау» деген кіші бөлім мынадай мазмұндағы төртінші бөлікпен толықтырылсын:

«Минералдық-шикізат кешенін тиімді дамытуды жалғастыру үшін мынадай ш а р а л а р к ө з д е л е д і :

1) минералдық шикізаттың тапшы түрлерін барлау саласына инвестициялар тарту үшін қолайлы жағдайлар жасау (салалық заңнамаға, пайдалы қазба қорларының жіктемесі мен санаттылығына, геологиялық барлау жұмыстарының кезеңділігіне өзгерістер енгізу және тағы басқа), сондай-ақ Қазақстан Республикасының Геологиялық саласын дамытудың 2030 жылға дейінгі тұжырымдамасында көзделген геологиялық саланың инфрақұрылымын жетілдіру;

2) тұжырымдаманың негізгі стратегиялық мақсаты Қазақстан Республикасының

минералдық-шикізат базасын ұдайы өндіру болып табылатын «Қазгеология» ұлттық геологиялық барлау компаниясы» акционерлік қоғамын (бұдан әрі – «Қазгеология» ҰТК» АҚ) еліміздің минералдық-шикізат базасын дамыту міндетін шешуге белсенді т а р т у ;

3) мыналар негізгі стратегиялық даму бағыттары:
Қазақстан Республикасының табиғи ресурстарын пайдаланудың тиімділігін арттыру ;

құнының тұрақты өсуін қамтамасыз ету мақсатында тау-кен активтерін тиімді б а с қ а р у ;

қатты пайдалы қазбалар кен орындарын игеруде мемлекеттің қатысуын өсіру;
жер қойнауын пайдаланушылармен және әлеуметтік-кәсіпкерлік корпорациялармен мемлекеттік-жекешелік әріптестік қағидаты бойынша жұмыстарды орындау болып табылатын «Тау-Кен Самұрық» ҰТК» АҚ-мен тығыз әріптестікті орнату арқылы Қазақстан Республикасының минералдық-шикізатын пайдаланудың тиімділігін а р т т ы р у . » ;

«4. Бағдарламаны жүзеге асырудың мақсаттары, міндеттері, нысаналы индикаторлары мен нәтижелер көрсеткіштері» деген бөлімде:

4.2-кіші бөлім мынадай редакцияда жазылсын:

«4.2. Әрбір міндет бойынша жоспарланған мәнге қол жеткізу болжанып отырған нақты (орта мерзімді немесе ұзақ мерзімді) кезеңді көрсете отырып, бағдарлама міндеттерінің шешілу дәрежесін сипаттайтын, сандық және сапалық жағынан өлшенетін мәндер ретінде белгіленетін нәтижелер көрсеткіштері

Мақсаты: Өнеркәсіптің барлық салаларын белсенді дамыту үшін минералдық ресурстардың ұтымды және кешенді пайдаланылуы мен қайта өндірілуін қамтамасыз ету							
Нысаналы индикаторлар	Өлш. бірл.	2009 ж.	2010 ж.	2011 ж.	2012 ж.	2013 ж.	2014 ж.
2014 жылы пайдалы қазбалардың негізгі түрлерінің қорын толтыру пайызы (өсу бойынша өндірілген қорлардың өтелген қорларға қатынасы) – 50 %».	%	23	25	25	30	0	50
1-міндет. Пайдалы қазбалардың негізгі түрлерінің болжамдық ресурстарын бағалау							
Тікелей нәтижелер көрсеткіштері							
Болжамды ресурстарды бағалау:							
алтын	тонна	102,8	110	105	108	0	100,4
мыс	мың тонна	0,95	1	1	1	0	1
полиметаллдар	мың тонна	4,95	6,1	3,6	6,1	0	5,2
2-міндет. Пайдалы қазбалардың негізгі түрлері бойынша қорлардың өсімі							
Тікелей нәтижелер көрсеткіштері							
Қорлардың өсуі:							
алтын	тонна	10,161	10	1,0	13,5	0	15
мыс	мың тонна	561,7	150,0	100,0	105	0	110
полиметаллдар	мың тонна	0	0	0	115	0	120

Нысаналы индикаторлар	Өлш. бірл.	2009 ж.	2010 ж.	2011 ж.	2012 ж.	2013 ж.	2014 ж.
Ауылдық елді мекендерді жер асты суларының қорларымен қамтамасыз ету	%	30,8	30,8	33,5	43,2	49,5	57,3
3-міндет. Ауылдарды жерасты суларының көздерінен шыққан сапалы ауыз сумен қамтамасыз ету							
Тікелей нәтижелер көрсеткіштері							
Жерасты су қорларымен қамтамасыз етілетін ауылдардың саны	ауыл	-	-	52	0	341	216
Ірі елді мекендерді және топтық су құбырларын жерасты сулары қорларымен қамтамасыз ету үшін жерасты суларының қорларын қайта бағалау арқылы жете барлау	кен орны	2	4	12	0	35	30
Нысаналы индикаторлар	Өлш. бірл.	2009 ж.	2010 ж.	2011 ж.	2012 ж.	2013 ж.	2014 ж.
Дереккорды геологиялық ақпаратпен толықтыру	%	-	-	-	-	-	95
4-міндет. Геологиялық ақпараттың және геоақпараттық жүйелердің дерекқорын қалыптастыру							
Тікелей нәтижелер көрсеткіштері							
Геологиялық ақпаратты санға айналдыру	Тб	-	-	-	-	-	20

»;

көрсетілген қаулыға 3-қосымшада:

қысқаша ақпараттың 3-кестесінде:

реттік нөмірі 1-жол мынадай редакцияда жазылсын:

«

1.	Өнеркәсіптің барлық салаларын белсенді дамыту үшін минералдық ресурстардың ұтымды және кешенді пайдаланылуы мен қайта өндірілуін қамтамасыз ету.	2014 жылы пайдалы қазбалардың негізгі түрлерінің қорын толтыру пайызы (өсу бойынша өндірілген қорлардың өтелген қорларға қ а т ы н а с ы) – 5 0 % . 2015 жылға қарай ауылдарды жерасты суларының қорларымен қамтамасыз ету және ірі елді мекендер үшін кен орындарын қайта б а ғ а л а у . 2015 жылға қарай Геологиялық ақпарат дерекқорын 95 % дейін көлемде толықтыру.
----	--	---

».

2. Осы қаулы қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Премьер-Министрі

С. Ахметов